

علوم اقتصادیه و اجتماعیه

مجموعه گار

هر آيت برنجی کونی نشر اولنور

مؤسسری :

احمد شعیب ، رضا نونیر ، محمد جابر

مندرجات :

عوامل اجتماعیه : احمد شعیب — قابلیت اجتماعیه : بدیع
نوری . — حکومت و حریت حقننده سینسک فلسفه سی : رضا
توفیق . — زده تأدیات : فائق زهت — فوق العاده بودجه :
احمد مختار . — فرانسه اختلال کبری : احمد شعیب . —
نشریات و وقایع اقتصادیه : محمد جابر . — بیک سکر یوز التمش
ایکی منه سی استقراضنک مقاوله نامه سی .

مدیر و صاحب امتیازی :

محمد جابر

امور اداره و تحریریه : نور عثمانیه جواریده طین اداره خانه سی

نسخه سی : ۱۰ غروش

استانبول

باب عالی جاده سننده هلال - طبعه سی ، نومرد ۶۶

قابليت اجتماعيه

۱

قابليت اجتماعيه هغهنده بر فکر عمومي

قابليت اجتماعيه دن مقصد انسانري « جهيت » دنيان کتله لر حالنده اجتماع واتحاد ايتمه سوق ايدن ايسا قدر [۱]. بو کله حد ذاتنده اولجه قابليت تمدنيه دنيلن حالنک دهه شامل ودهه معنيدار بر افاده سیدره قابليت تمدنيه قابليت اجتماعيه نك توليد و ايجاد ايتديکي حالانک تکامل مترقي صورتنده تجلي ايدن بر قسم و جزؤيدر . مجله احکام عدليه نك برنجي ماده سنک ايساخني محتوي اولان افاده دهه — که جداً مناسب و واضع قانون لسانيله قلمه آلتش بر مقدمه معلومات اجتماعيه ير — انسان ايچون بيان ايديلن « مدني الطبع » خاصه سنک تعريفنده مشارکت و معاونته احتياجن بحث ايدلسي دلالتله آکلاشييلور که بوراده مقصود اولان معنا ، قابليت اجتماعيه نك يوقاروکی تعريفنه مطابق بولنيور .

اوزون مدت لر قابليت اجتماعيه يي ، بالخاصه قابليت تمدنيه صورتنده تصور ايتدکيري ايچون ، انسانلره خاص ظن ايتمشل ايدی ؛ فقط بو خاصه نك بوتون حيوانيته شامل اولديغني تدقيقات اخيره عليه ميدان علنيته اظهار ايتدی .

[۱] حيوانلرک اساسا بلا شعور ولا تفکر وقوه کن حرکتلرينه « سوق طبعي دنيلديکي کي انسانلرک مفکره ومدركه نك دخلي ارميه رق حصوله کن افعال وحرکاته « انساني » دنيلسي پک مناسبدر .

هیچ بر مخلوق ذی حیات یا لکز یا شامامشدر . حقیقت بویله اولمله برابر بو صفتک حیوانات ایله انسانلر بینده فرقمز بر صورتده جاری اولدینی همان هرکس قبولدن امتناع ایتدیکی ایچون ایشته بو فرقلرک تعیین و ایضاحی مسئلهسی مختلف مسلك و مکتبلرک تأسسنه ، مناقشات مدیده سبیت ویرمشدر . خاصه اجتماعی اوصاف طبیعه ، عضویه و حیاتیه نقطه سندن تدقیق و تقدیر اتمه نلر بوراده عظیم فرقلر احداث و ایجاد ایدرکن بو نقطه لر دن تدقیق اتده بولنانلر قابلیت اجتماعی نك تکمیل حیات حیوانیه شامل اولدینی ادعا ایدرلر .

ایکجی فکرمده بولنانلره کوره حیاتک مفهوم اخلاقی و معنویسی ، مادیاتدن تجرید ایدلمش مفهوم معنوی حیاتی — باقی و پابدار اولدقچه انسانی حیوانیه ربط ایدن رابطه بی حقیقه تقدیر ممکن اوله میه جقدر . بونک کی جمعیت بشریه بی جمعیت حیوانیه ، اخلاقی سوق طبیعی به بندایدن روابطک تعبیر آخرله « مدنیت اجتماعی » ، یعنی اجتماعی ایجاب و بالضروره تولید ایدن اسباب و حالاتک ایضاحی غیر قابل اوله جقدر .

بوفکرک بحدثنه سبب اولمق اوزره ده بزم ، هنوز اسکیسی کی انسانی یر یوزنده بردنبه شدیکی و یا هیچ اولمازسه وحشیلر نزدنده کوردیکمز درجه ده کی اوصاف و خواصیله وجود بولی ویرمش تصور اتمک کمزدن نشئت ایدبور دیورلر . حالبوکه بشریت ، حیوانلقدن انحق بطائنی تقدیر ایدمه جکمز درجه ده مدید بر دوره تکامل کچیردکن صکره قورتوله بلمشدر .

حیات روحیه من ایله برابر حیات عضویه منک طبیعت تعضویه سنه اطلاع حاصل اولدنبی ، حیوانلرک تکامل دماغیلرله انسانلرک تکامل عقلی و دماغیلرینک ماهیت و حقیقته وقوف کسب ایدلیدیکی کی ، حادثات

حیاتیه و دماغیه ، قابلیت اجتماعی و اخلاقیه نك مصنف و مرتب تولدات و تبعاتى سویه فکریه مزه ایصال ایدن رابطه خیالیه کمال و ضوحله مشاهد اولور .

قابلیت اجتماعی نك حیات اجتماعی ده اوینادینی رول حساسیت عضویه نك حیات عضویه ده اوینادینی روله مشاهد ؛ حساسیت عضویه اعضا نك اشتراك حرکات جهازیه لرینی نصل تأسیس و سوجه و اداره ایدرسه قابلیت اجتماعی ده بر جمعیت اعضا سنك وظیفه لرینك مماثلت و اشتراکی امرینی تأسیس و تنظیم ایدر ؛ حساسیت عضویه نصل قرابت عضویه نك غلیانندن عبارت ایسه بوده جمعیتك مرکب اولدینی افرادك طرز اتحاد و اشتراك و تعاونیدر .

بو قابلیت ، تشکیلات و یا عضویات و تحالفات و یا تفاوتات اجتماعی ایله متناسب بر تکامله تابعدر ، فصلک حساسیت عضویه ده مخالف تشریحی و عضو جهازی ایله متوازیاً توسع و تکثر و یا تعدد ایدر .

بر جمعیتك افرادی آره سنده استقلال و افراد وجودینی تصور ایدمه یز ، فصلک بر عضو حیاتینك عناصر مختلفه سی آره سنده افتراق وجودینی تصور ایدمه یز کیمز کی . بناء علیه عین بر جمعیتك افرادی آره سنده کی مناسبات مشترکه تأثیرات سائر و خارجیه دن متولد مناسباتدن بالضروره تفریق ایدملک اقضا ایدر .

بناءً علیه بر جسم حیاتیه اعضا نك و جهازلرک مناسبات مشترکه سی نصل محسوسات تعضویه و یا عضویه نامی تحتده افاده ایدور ایسه ک بونک کی بر جمعیتك افرادی بیننده اوجعیتك موجودیتی ایچون الزم ، بر جمعیت متشکله نك حیاتیه مقتضی اولان مناسبات مشترکه یی تأسیس ایدن افعال و عکس الافعالک هیئت عمومیه سنی ده قابلیت اجتماعی نامی تحتده جمع

وتلفيق ايتمك ايجاب ايدر .

بوايضاحاته كوره استنتاج اولنوركه قابليت اجتماعيه وقوعاتى مناسبات اجتماعيه نك تغددى وتكثرى نسبتده تعداد وتزايد ايدر ، وعين شرائط داخلنده تكررلى ايله مبسوطاً متناسب اوله رق تشكىل وتوافق مبال بولنورلر . ايشته بوراده ده كتاب خلقتده كنك ، يعنى تكامل عضوينك عىنى برقانون تعضو وتعاون مشهود اوليور . وايشته بونك ايجرندر كه جهاز عضويه مقابل اولان افراد جمعيات ويا كتلات جمعيات آره سنده كى مائالت ومطابقت اجتماعيه وجود اجتماعيده كى اهميت حياتيه ليله متناسب بر مرتبه قدم وتأسيس اراءه واطهار ايديورلر ؛ تعبير آخرله عالم اجتماعيده كى نكون تكامل وتشكىل وياتعضو ، عالم حياتيده كى ده «قانون حيات» تابعدر .

وايشته بوسيله دركه هر جمعيتك حين تشكىل وظهورنده عموميتله حيات اجتماعيه ديديكمز وظيفه تغدينك حدوث ، تخالف وتعضوينى مشاهده ايدرز ؛ حتى بوراسنى ده مشاهده ايد بيليورز كه عضوى دينلن بو وظيفه لر ضرورات ويا ايجابات حياتيه نك نتيجه ومحصله سى اوله رق صورت ظاهرده تجلى ايتدكلى كى اصل حساسيت دينلن عنصر واساس ايله — كه حيات اجتماعيده وجدان ويا ادراك ديمكدر — ذره قدر مناسبتلى يوقدر . بو حال طبق طبقينه حيات ابتدائيه عضويه بكرزكه ادراده هر شى تغدينك حادثات حكميه وكىويوسنه رجعت ايتدى كى حيات جمعيات ابتدائيه ده بوتون وظائف تغدى ومحافظة حياتدن عبارت بولنور . انجق مؤخرأ ومتعاقباً وتخالفات ومباينات متعدده وانعكاسات كثيره ومرتبه سائقه سيله دركه ايلك اول محافظه جنس النسياقى ، يعنى كتله لك سوق طبعيسى تسميه اولنان وظيفه تحفظيه ، ومؤخرأ حسيات اجتماعيه يى ،

فکر عمومی بی، وجدان اجتماعی بی، عاداتی، تعاملی، غنضاتی، اخلاقی و توانی تولید ایدن حساسیت مجتمعه و یا اجتماعیته نك تظاهر و انفلاقی مشاهده ایده بیلورز.

«رودون» دیرکه: قابلیت اجتماعی مخلوقات متحسسه نك قوه جاذبه سیدر. فی الحقیقه، فصل، تغذیه و یا حیاته الزم اولان حرکاتك فعل اعتدالیسنك حیاتی محافظه و ادامه یه خادم اولان شیلره قارشی بر میلی، بر انجذابی قبول ایتمه مکملگمز ممکن دکل ایسه (چونکه بونلرسز حیات تکامل ایده مز)، بویله جه، حیات اجتماعی و یا اشتراکیه دی بر عضو اجتماعیته اعضا و افرادیته ده، آتیق نتیجه سی هیئت مجتمعه نك «تأید حیاته» مچر اوله حق شیلره میل و انجذاب ایدن بر محصله ده طویلانه حق حرکات و عکس الحرکات مشارکته اجرایی شرائطیه مقید طانیقلمز اقتضا ایدر. چونکه بو اوصاف ایله متصف حرکات و عکس الحرکاتک عدمی تصور اولنورسه حیات اجتماعیته قطعی بر حرکتسزک و یا بر نوع تناقص حرکاتک مفروضیتی لازم کلورکه هرایکی حالده وقوعات مشهوریه مغایردر.

عین بر جمعیتک افرادیته اتحاد، تعاونه سوق ایدن قوه انجذابیته بشقه بر صورته ده ایضاح ایده بیلورز. چوقدنبری معلوم و منکشف اولان توازن قانونلرینه متعلق بر فرضیه بزه اثبات ایدیورکه بر کلی تشکیل ایدن اجزای مرکبه درجه مشابهتیه مبسوطاً متناسب بر اتحاد، کتله تشکیلنه مبالدر، بو تکامل عضویده جاری بر قانون دائمی اولدینی کبی تکامل اجتماعیته ده یک کوزل تطبیقی ممکن کورلمشدر. فی الحقیقه ایلك انسانلرک کندی آرهلرنده اتحاد ایتک میلانی دیگر حیوانلر ایله اتحاد ترجیح ایتدکلرینی اثبات بزم ایچون کوجدر؛ حتی عین بر عالمه دن

نشئت ایدن ویا هیچ اولمازسه عین شرائط و محیطلر ایچنده تولد ایدن ویا شایان افرادک مجتمع بر حیات امرار ایتک اوزره بینلرنده اتحاد و اشتراك میللری کنیدنن خارج اولان دیگر افراد ایله اتحاددن دهافضله اظهار ایتش اولدقلرینی ده فرض و تصور ایدیوروز؛ حال حاضرده کی جمعیات افرادنده بر درجهیه قدر بعض مشابعت مادهیه، معنویه ویا اجتماعیه سبیلله اتحاد بر میلان عمومی مشهود اولور.

بو یابده مثاللر الی نهاییه ترید ایدیله بیلور، نتیجه هپ عینی اوله حق و عین قانونک افاده سی، ویا ده طوغریسی تعاون و مجموعه اولان عین میلان مشهود اوله جندر.

بعض مؤلفلر حساسیتک اهتزاز و تموجی حقنده بر فرضیه وضع و بوندن بر قانون عضوی استخراج ایدرک ذی حیات عضویتلرده تکیون ایدن، و احتیاجات، عضویه، انسیاقات، آرزولر، اختیارلر تسبی ایتدیکمز میللری بوتوجات حسیه ایله تعیین وایضاح ایدرلر؛ و بعین حالی عضویت اجتماعییه ده تطبیق ایدرک قابلیت اجتماعی، انسیاقات کتلویه، آمال ملیه، الحاقات ازدحامیه، جریان عمومی و سائر ناملر ایله تسبی ایتدیکمز تخالفات و تشکلات اجتماعیه قانونلرینک تکیون و حدوثی حسیات اجتماعیه دن متولد عین قانونه و عین ترکیاته ارجاع ایدرلر.

بناءً علیه دیه بیلور که قابلیت حسیه کی قابلیت اجتماعییه ده میدانده بالذات قابلیت حیاتییه ایله قاریشور، و عین بر جمعیتک افرادی آرهمنده کی احتیاجات حیاتییه نك مشابعتی ایله يك اعلا افاده و بیان اوله بیلور.

الحق پیدر پی وجود بولان تخالفات اجتماعی سبیلله درکه مشارکله خاص اولان طرز تحسیناتک تقاربی و مشابعتی حسیله وجوده کلن وظیفه تعاونیه عضویت اجتماعی نك مماثلت متقابله سنی تشکیل واحداث ایدیور.

طبیعی جهاز عصبینک ویا حسینک بر عضویت ذی حیاتی برلشدیردیکي ، تشخیص ایتدیردیکي کبی . قابلیت اجتماعیه بروظیفه عضویه ارجاع وافرار ایدلدیکي زمان بروجه آتی خصوصاتی احتوا ایدر : الاستیقیت اجتماعیه که عضویات اجتماعیه نك شرائط مستوعبه ومحیطیه توافقی تامنی ایجاب ایتدیرر ؛ حساسیت عضویه اجتماعیه که روحدت مجتمعه دروننده افرادک یکدیگره مطابقت وموافقتی ، تعبیر عامیانه وجهله مشابهتی تولید ایدر ؛ حس اجتماعی ویا حس تعاون که ، بوتون افرادک تطابق ایله برابر یکدیگره آزچوق مربوطیتی افاده ایتکله جدأ وحدت وفردیت اجتماعیه یی تشکیل ایلر ؛ اک نهایت حس اخلاقی ویا خود وجدان ویا ادراک اخلاقی که ، حرکات بشریه نك محرکی تمیز وتفریق ، وبونلری قانون اخلاقیه کوره محاکمه ومحکوم ایدر . بونقطه نظر دن قابلیت اجتماعیه اوج نوع وقوعات اجتماعیه یی احاطه ایدر : وقوعات عضویه ویا شکلیه ، وقوعات فکریه ووقوعات اخلاقیه .

برنجی نوع وقوعات اجتماعیه عادتاً حس ایدله مش کبی گذران ایدر . چونکه بونلر تماماً عضویات حیاتیه کبی اجتماعک قابلیت حیاتیه سنی ، بنیه سنی تشکیل ایدن افعال وعکس الافعال عضویه (ویا فردیه) دن ومتطابقه دن عبارتدره . بناء علیه بو وقوعات ویا دهاطوغریسی بو وظائف ، وظائف عضویه مثللو خفیا ومتحصل بالذات کبی جریان ایدر ، حیات اجتماعیه نك وظائف حسیه سی انحق عضویتده کی هجانلره ، خلاف عاده خلیجانلره مشابه اولان وبجران ، سفالت اجتماعیه ، فلاکت عمومیه ، اختلاللر وسائر تسمیه ایتدیکمنز احوال فوق العاده ده تظاهر ایدر . سائر احوالده طبیعی برحاله اولان وظیفه عضویه کبی ساکن وساکت وموجودیتی عادتاً غیر محسوس برحاله گذران ایلر .

وقوعات تعاونیه فکریه ایسه بشریتک حیات روحیه سنک بوتون تجلیاتی احاطه ایدر . فی الحقیقه فکریت متفوقه مزك ، احوال وجدانیه و فکراییه و حکمیه مزى همجنس لرمنز ایله توافق و تطابق ایتمکی ایجاب ابتدیردیکنی انکار ایده مه یز . انسان متفکر کندینی انجق حالت اجتماعی ده تقدیر و احاطه ایده یلور . بشریتک تکاملنی بشقه درلو تفریق و تمیز بزم ایچون غیر ممکندر . تصورات ، لسان ، صنعت و واسطه سیله طبیعته تملک ، توافق و تطابق اجتماعی ، تصورات اخلاقیه و بوتون مروهوم و غیر مادی مدرکات انجق هپ کندیلرینه تقدم ایدنلرک مدرکاتنک محصله سندن تکیون و تحدث ایدیور . عالمرک ، فیلسوفلرک ، بشریتک بوتون تجلیاتنک صورت تحدتی ادراک و احاطه خصوصنده او قدر مشکلاته معروض اولملری یا کلش یوله صایمقدن ، مثلاً لسانی دوشونلش ، ایسته نمش ، بالحاکمه قبول اولنمش بر اثر « ایجاد » عدا یتمکدن و بواساسلر دائره سنده یا بلش « مقاوله » اجتماعی ، « قوانین اخلاقیه و اجتماعی » تصور ایلدکن ایلر و گلشیدی .

ترقیات فکریه بشریه بالخاصه زمانمزده ، بر محصول فکرینک دیگر برداهی طرفدن اکال ، تتمیم ، تدقیق ، تعدیل ایدلسنه غیرت ایدلسندن ناشیدرکه مشهودمز اولان ترقیات حیرتبخش سرعتله تحصیل ایدیور ، هرج شعاعاتی ، دوننکن شعاعاتی ، مارقونی تلسز تلغرافلری ایله باشلایان مسالک جدیده کهر باییه ؛ ساناتوس دومون ، وراثت و سائر تصورات طیرانیه هپ بربرندن اقتباس ایدلش ، تعدیل ، اصلاح تتمیم ، تطبیق ایدلش مصنوعات فکریه در .

بالخاصه حس اخلاقی و یا وجدان اجتماعی نامی تحتنده ذکر ایتدیکنمز تحسینات اجتماعی به کلنجه: بونلر وجدان عمومیده حسیات ، هیجانات ، قوانین اخلاقیه ، قواعد و تصورات اخلاقیه صورتنده افاده اولنان حسیات

مشترک و عمومی در .

معلوم در که اجزیه حسیه نك حدوث و تكامل نك منبع حقیقیسی انحق
خارجی تأثیرات مختلفه حكیمیه نك - که بز بونلری ضیا ، حرارت ، صدا ،
ذائقه ، شامه و سائر ناملر ایله تسخیه اییدیورز - ماده حیاتییه اوزرنده
وجوده کتوردیکی تأثیرات مختلفه اضافیده آراغی اقتضا ایدر . بو مختلف
تظاہراتک مماثلتندن ، راکندن طولاییدر که حساسیتک حادثات متعاقبه سی
تحصل ایدر : ایلك اول متأثر ، منفعل و یا قابل ، بی ادراک بر حاله اولان
و صکره مؤثر ، فاعل ، مدرک بر حاله کلن بو حساسیت دماغیه مبادیده
شخص قابل و متأثر اوزرنده حصوله کلدیکی جهتله یکنسق و بی مدرک ایکن
مؤخرأ تفاوت ایتمک ، هربری بر مرکز ترکب و مخالفت تشکیل ایدن
تأثراتک و احتراساتک منبیه اولق حسیلله دماغ بشریده آری آری مدرک
و اصلاح ایدلمش ، آرزویه ، اختیاره کوره تلقی اولشمش بر مرکز قوت
حالی اکتساب ایدر لر .

قابلیت اجتماعی دهده حال بویه در . عین بوجود اجتماعینک اعضای
مختلفه سی و یا اقسام مختلفه سی بیننده کی افعال و عکس الافعال در که مختلف
تعبیرات ایله ، انسباق ، محبت ، مرحمت ، علاقه و سائر ایله افاده ایتدیگمن
میلانلری ، انجذابلری تولید ایدر ، و بز بونلره ضمناً آز چوق موهوم
بر تصور معنوی اضافه ایدر که حقیقت حاله مخلوقات سفلیه نك مناسبات
جنسیه لرینه مماثل اولان مناسبات مشترکه اجتماعیه ایله جمعیات حیوانیه
ابتدائییه نك عادی و وظائف تغذیه و تناسلیه لرندن عبارت اولان دیگر قسم
مناسبات اجتماعییه بر بریله قارشدیردیغمزی تفریق و تمیز ایده میز .
شرائط اتحادیه لری تحقق ایدن ملنلرک عقد ایتدکری اتفاقرل حد ذاتده
بر ازدواج مقاوله سندن فرقییدر ؟ و عین زمانده بو اتحاد منافع

اقتصاديه يي ده تامين ايتمکله وظيفه تفديه يده خدمت ايتيمورمي ؟
 حتی بو باده کي مشابهت او درجه ظاهر و عياندرک جدي بر محبت
 وانجذاب نام ملي ايله حصوله کلن استلاف و مقارنت بالطوع والرضا متحصل
 ازدواجه شبيه اولدني، محکم بولنديني حالده، جبراً حرباً وقوعه کلن
 مقارنت ابوينک ابراميله متحصل مناسبت کي مياال انفاسخدر : يا مدت
 قيله ظرفنده تفسخ ايدر ، و يا مديد بر مناسبت طولاييسيله بر مقارنت
 استلافيه مبدل اولور .

خلاصه قابليت اجتماعيه مخلوقات ذی حياتک جمعيتده کي وظائف
 و مناسبات مشترک لري طرز ينک هيئت عموميه سني احتوا ايدر : بو مناسباتک
 محصله سني ، تقاربي ، اتحاديني و ترسباتي تشکيل ايتديرر : بالخاصه
 بو ترسبات ، بو عکس الاعمالدرک بر هيئت مجتمه نك تفرديني تشکيل ، افراد
 آره سنده کي مطابقت و مماثلتک دجه سيله متناسب بر صورتده دوچار تعديل
 و اصلاح اولدن، بو افراد آره سنده آز چوق تظاهر ايتدن اول هيچ بر فردک
 تعديل اولنه مامسني ايجاب ايتديرر حالت تعاونيه و اشتراکيه يي توليد ايدر لر .
 مثلاً عنعنات ماضيه مر تبط اولان جمعياته بر فردک بر فکر جديد ايله
 تمیز و تفوق ايتمي حد ذاتنده مشکل اولديني کي بو مشکلاته رغماً وجود
 بولان تفرق هيئت مجتمه نك اعتراضات و مخالفات شديد سنده هدف اولور .
 بوراده تکامل پک بطي بر صورتده و عموم هيئت اجتماعيه ايله بر آره ده
 محصل ايدر . ديمک که قابليت اجتماعيه ، تشکلات و تکاملات اجتماعيه
 پيدربي حصول بولدجه شدنجه و عددجه ترايد و تکثر ايدر . فضله
 اوله رق قابليت اجتماعيه بو نقطه نظر دن تدقيق ايديلرک بر وجود
 اجتماعينک حسابيت مجتمه سي نظريه تلقي اولنجه تشکلات اجتماعيه نك
 حادثات باطنيه سنک هم منبى و هم محل ايضاحي حکمنی احراز ايدر .

ووظائف اجتماعی نك محل تولدی اولان توافق و تطابق اجتماعی ایلری
 بو صورتله ایجاب واحداث ایتکله بو وظیفه لک بر وظیفه عضویه کبی
 بی خبرانه وی ادراکانه جریانی تأمین ایتش اولور. او صورتله که انسان
 وظیفه تغذیه و تحفظیه سنی فصل فرقه وارمدن اجرا ایدیورسه وظائف
 اجتماعی سنک بر چوغنی ده اوله لکله اجرا ایدر. ایشه بر سوری عاداتک،
 انسیاقاتک و وظائف اجتماعی نك حدوتی و طرز تکامل و اوصاف
 مختصه بنفسمیه سنی بو صورتله ایضاح و ایراد ایتش اولور.

۴

قابلیت اجتماعی نك منشأ و نظامی

بعض مؤلفر زمره حیوانیه ده قابلیت حسیه بی انکار ایتدکجه مخلوقات
 ذی حیاتک بر برلری اوزرینه اجرا ایده بیله جکری مختلف صور فاعلیه
 و تأثیریه بی حس و تمیز ایتدن یا نایه بیللری امکانی قبول ایتورلر؛ بناء علیه
 حس تمیز و ادراکک صورت تشککک جریان طبیعسه نظر حیوان، کندی
 همجنسلرندن اوله بر طاقم تأثرات اخذ ایتکی که بوتأثراتک هیئت عمومیه سی
 کندیسنی قابلیت احاطیه و تمیزیه سیله مناسب بر صورتده دیگر افراددن
 وحادثادن تمیز و تخالف ایتدیرسون. لاینقطع تجدد ایدن هر نوع تأثیرات
 ویا تحریصات بر تفاوت ویا تخالف عضوی تولید ایدر: ایشه بویه لکله
 حسیاتک صورت تولدی سامعه ایچون اهتزازات صوتیه، نظر ایچون
 اهتزازات ضیائی، شامه ایچون اهتزازات انتشاریه، ذائقه ایچون اهتزازات
 تذوقیه... وایح صورتیه ایضاح اولمشدر. چونکه بز جنساً متخالف
 بر طاقم تحسسانک ماده حیاتیه اوزرنده مختلف تأثیرات حاصل ایتلرندن و بو

تأثیراتك تحالف و تفاوت عضوی و طبقه فاعله و مؤثره سنی تولید ابلزلندن بشقه برشی حس و تمیز ایده میز .

كذلك اهتزازات احساسیه نك بقایا و یا ترسبات مؤثره سنی صرف عضوی و اك بسیط تأثرات دن اك علوی و اك مجرد افكاره و ارنجهیه قدر فكریتك بوتون وظائفی و علویاتی تشکیل و تأسیس ایدرلر .

بناءً علیه شومطالعاندن بوتیجهی استخراج ایتك قولایدركه همجنسلی طرفدن متحصل تأثیرات هر حیوانده بالضروره خصوصی تحالفلر و تفاوتلر احداث و ایجاد ایدرلر . چونكه فرض ایده میزكه احتراصات مختلفه قابلیتات مختلفه احداث ایتسون ، كذاك اجناس مختلفهیه منسوب مخلوقات طرفدن متحصل تأثیراتده فروقات اصلیه ، و همجنسلی طرفدن متحصل اولانلرنده بر درجهیه قدر مشابهت وجودنی قبول ایتهمك غیر ممکندر .

اكر بوكا همجنس مخلوقات ، عین شرائط تحتده طوغدقلری ، یاشادقلری ، اولدقلری ایچون وعین طرز تحسس و حرکانه مالک بولندقلری ایچون فعل تشکیللری طولایسیله طبیعی اوله رق مصنف و کتله لره منقسم اولدقلرنی نظر اعتباره اخذ و ضم ایدرسه ك قابلیت اجتماعی نك ، قابلیت حساسیه نك موجود بولندینی هر یرده و حتی اك ابتدائی اشکالده بیله بولنمی سبینی درك و احاطه ایتش اولورز . چونكه قابلیت اجتماعی نك تشکلات اجتماعی ده کی وظیفه سی حساسیتك تشکلات عضویه ده کی وظیفه سنه مشاهددر . فی الحقیقه ، تشکلات اجتماعی نك ایلک اثرلری صرف عضوی بر شکلده - ایلک تشکلات عضویه نك صرف وظیفه تغذیهیه منحصر اولسی کی - اولدیننی انکار اولنه میه جنی کی بر آز مرقی جمعیتلرده - تعضوات متفاوتده اولدیننی کی - رقی ، تکامل نامیله تسیمه ایتدی کمز

منبع حقیقی توافقات ، تفاوتات و تشکلات کبی قابلیت حسیه و قوعاتی
از چوق ظاهر و مرئی بر صورتده موجوددر .

مثلا دبه بیلیرزکه ، مخلوقات سفلیده تولدات جنسیه و یکی طوغانلرک
ارضاعی تغذیه به متعلق حادثه لردن بشقه برشی تشکیل ایتمز ایسه ده بواجناسک
و بو متولدلرک مناسباتی بر آزدها مترقی طبقات عضویه ده بر قابلیت تحسیه ،
بر انسیاق و یارحس فکری حاصل و تولید ایدر . ایشه بومناسبات عضویه
ابتداییه و ضروریه ده قابلیت اجتماعی دیدیکمز شیئک ایلک اثرلرینی ،
بر جمعیت ابتداییه تشکلاتنک مبدأ عزیمتی بولماق قابل دکلدر . فرضا
انسان ابتدائینک ایلک وظیفه سی ، وظیفه مجبوره و ضروریسی محافظه
نفس و حیات ایچون وحوشدن صافتحق ، و حیوانات مفرسه شرندن تحفظ
ضمننده و غداسنی تدارک مقصدیه سائر افراد ایله اتحاد ایتمک اوله جنی
ایچون ایشه بو حس ابتدائی - که یالکمز وظیفه تغذیه ایله مکلف اولان
حیوانات ابتداییه کبی صرف محافظه حیات ایچون تغدی وظیفه سنندن
بشقه برشی دکلدر - قابلیت اجتماعی نک ایلک ایزینی تشکیل ایدر .

بیلیرزکه مناسبات حیاتییه ده قوه تحریکیه و تحریکه دیدیکمز وظائفک
آهنک حیاتده حکمت موجودینی واردر ، و بونلر وظیفه تغذیه نک بر
ذیل و علاوه حقیقیه سنی تشکیل ایدرلر و اثرلرینی مختلف طرز تغذیه ،
تحری مؤکولاتده .. وسائرده ارائه ایتدکلری کبی تغدی عمومی
اوزوندکی نفوذلرینی ده تحمیز و تمیل عضوی کبی خصوصاتده کی تأثیرلریله
اظهار ایدرلر ؛ ایشه بوراده هیئت عمومیه سیله تدقیق اولنه جق اولورسه
لزامسنر کبی کوربلان بوتون حیوانلرک حرکتلرینک و هله عضویات عالیده
ظاهر آفانده سنر کبی ظن اولنان برطاقم حرکات عضویه نک سبب و احتیاج
طبیعیسی منکشف اولور .

حرکات و افعال اجتماعی ده ده حال عیندر : بر برینک عینی و ممانلی
اولان مخلوقات آره سنده کی مناسبات و اشتراکات، حال ابتدائیه کی اجناس
آره سنده و یامولدر ایلله تولید ایتدکری مخلوقات آره سنده کوریلان سود
ویرمکدن، تغذیه دن عبارت برطاقم عادی مناسبات عضویه دن عبارتدر ؛
فقط بوم مناسبات تراید و توسع ایتدکه تاخر ایتمز، و سببی و حکمتی آکلایه مدیغمز
برچوق صور و اشکال محتند تکرر ایتدکه میل ایدر : فی الحقیقه سیاحارک
و سوسپولوغیرک افادات و مشاهداتند اویله برطاقم اعتیادات تصویراتی ،
اویله عرف و عادتله، اویله رسوم مذهبی، اویله برچوق الفتل کوربورزکه
بونلرک غراتی بزى متخیر ایدیور. اگر بوراده بر حرکت و تمرین اجتماعی
احتیاجندن بشقه رشى آرایه حق اولورس بق بوتجیه دسترس اوله مایزه
بوافعال و حرکات احتیاجات عضویه نک تمرینات مادییه اولان میلنه تماماً
مشابه و ممانلدر. اصل بوجود عاطل تمرینسز قالدینی زمان و وظائف حیاتییه سنی
ایفاده صعوبت چکرسه اویله لکله بر جمعیت دخی بوافعال و حرکات اجتماعییه
اظهار ایتدکه موجودیتی احساسده صعوبته گرفتار اولور .

الحاصل قابلیت اجتماعی نک تجلیاتی قابلیت حیاتییه اجتماعی نک نتیجه سنی
و ناظمیدر . نصلکه حرکات عضویه ده قابلیت حیاتییه عضویه نک نتایجی
و معدلیدر . دلیل ده بشریتک مبادیسنده کی اوصاف العکاسیه ، متحرکه
بالذات و غیر منتظمه برچو حقدیه کی تقلصات عضویه تماماً مشابه اولمسیدر .
برطفلك عضلاتی بلا اختیار تحرك ایتدیکی کی بر جمعیت طفلیه نک حرکاتی ده
غیر مدرکدر . سنی ایلرولدیجه چو جق تقلصات و تحرکندن خبردار
اولدینی، افعالی کسب انقطاع ایتدیکی کی جمعیت بشریه ده ترقی و تکامل
ایتدکه حرکاتی کسب انتظام و مدیریت ایدر .

الحق تدریجی بر صورتده و بر توافق نالیدن صکره کوررزکه حرکاتده

بر انتظام ، او وقتدنبری بر هدفه متوجه کبی کورد یکمز بو افعالده بر نوع
اصطفا واردر . و ایشه اولوقت بو افعالك سرو حکمتی آکلارز ، و بونلرک
وجدان اخلاقیزک ، عقل سلیمزک ، روح و تجلی تمزک امری ایجاباتندن
عبارت اولدیغی درک و تقدیر ایدرز .

۴

قابلیت اجتماعی نك قوانین عضوبی

قابلیت اجتماعی نك منشأ و طبیعت حساسیه سی حقنده ویریلن ایضا حاددن
بر جمعیتک هر فردینک همجنس لرندن اخذ و تلقی ایتدیکی تأثر اتدن کندیسنده
متحصل جزم و تصمیاتک محصله سندن عبارت اولدیغی کوسترد کدن صکره
آرتق هر فرد اجتماعی ایچون قابلیت اجتماعی نك شرط اساسیسی همجنس لرله
اوله جق مناسباته متعلق هر شبئی عالم حادثاتک بقه سندن تفریق و تفاوت
ایتدیرمک اولدیغی اظهار ایدر . افراد طبیعه و عضویه مشابه اولسه لرده
بر بر لرینک عینی و مساویسی اولدق لری ایچون تأثیرات خارجیه کندی لرنده
آری آری قناعتلر ، آری آری طرز تلقیلر ، آری آری ایزلر براقور
و بویله لکله قابلیت اجتماعی نك ایلاک قدمه سی بین الافراد تفاوت و مخالف
صورتنده تجلی ایدر . و بونکله برابر هپ بر آرده بولنان افراد آره سنده
تکرر مناسبات طولانیسیله آزچوق توافق ، آزچوق مماثلت حاصل اولور .
دها آچیق افاده اولنورسه قابلیت اجتماعی بزه برچوق مماثلات اجتماعی
ویا مشارک لر آره سنده کی مناسباتک تعددیه متناسب تجلیات و تظاهرات
ارائه و بیان ایتلیدر . حالبوکه قابلیت اجتماعی دن متولد بولضمینات بالضروره
تخالف و تفاوت ایدر لر ، اوصاف و ماهیتلرینه ، کندی لرنی تولید ایدن

شرائطه نظراً مرتبه‌لره، صنوفه انقسام ايلرلر .

ديه بيلورزكه قابليت اجتماعيه عين جنسدن اعمال وعكس الاعمالك، همجنس افراد آره‌سنده تكررينك برمحصله‌سندن عبارتدر ، بومناسبتدن تولدايده جك تصميمات وتصوراتك شدتيه متناسبدر، ومناسبات اجتماعيه‌نك حين تكررلرنده ارأه ايتدكرى عينيت و مماثلت و دواميت ايله متناسباً تشكله ميالدر . ايشته بونك ايچوندركه هر وقت بر آرده وعين شرائط تحتده ياشايان افراد آره‌سنده بك كوزل تشكل ايتمش قابليت اجتماعيه وقوعاتي كورورز . كذلك ينه بونك ايچوندركه قابليت اجتماعيه بعض حيوانلر نزدنده انساندن دهامكمل ودرين كهي كوريلور . مثلاً قاربجلر ، آريلر ، زمينلر آره‌سنده كي مناسبات اجتماعيه ، سوق طيبي ديديكمز تشكلات حسييله انسانلره تفوق ايدر ، حالبوكه انسانلرده بويوك بر مقياس داخلنده موجود اولان الاستيقيت و مكمايت سايه‌سنده دهام زياده تحولات مشاهده ايدرز ، وبونلر ايچون عادت ، تعامل ، مدنيت ، خلق نامي ويريرز [۱] .

قابليت اجتماعيه ، عين برجهيتي تشكيلي ايدن اعضاتك توافقات مشتركه‌لرينك بر محصله‌سي اولمق اوزره تلقى اولتجه جنسيت حيوانييه مربوطيته وعضويت اجتماعيه‌نك درجه‌سنة كوره بالضروره تخلف ايدرسده مع مافيه هروقت عين ماهيت عموميه توافقيه‌يني ، عين اعتيادات مشتركيني ارأه ايتديكندن بالطبع اتحاد ، مربوطيت مشتركيه ، حقيقي

[۱] تشكلات اجتماعيه اساس اتخاذي خصوصنده مؤلفلر عضوي ، حياتي ، عرق ، محيط مادي ، تعاوني ، نفقي ، اقتصادي كهي برچوق نظريه‌لر تاسيس ايتملردر . يوقاروده‌ده ديديكمز كهي بز بوراده اساس عضوي اوزرينه مبتني مطالعات ذكر ايدبورز . هنوز لسانمزده حكمت اجتماعيه مؤلفاتي محدود اولديني ايچون بونلرك نفقي دركاردر . حالبوكه بونظريه مخالف اولان مؤلفلر حيوانلرك قابليت اجتماعيه‌سني قيرل ايتيهرك بوني « قابليت تكثيه » ناميله آيريورلر .

بر تعاون انفرادی به میال اولور، بوخصوصده طبقی بر عضویتک اقسام مختلفه‌سنه بکزرلرکه بونلر حقیقی بر فعالیت اشتراکیه ایله بربرلری اوزرینه تأثیر و عکس تأثیر اجر ایدرلر، و بو تأثیر ایدن متحصل موجات و اهتزازات قابلیت حسیه عضویه و یا وجدان اجتماعی و یا عمومینک افعال و وقوعاتی تشکیل ایلرلر. بوندن استنتاج اولنورکه بو توافق مشترک ایچنده تعین و تمیز ایدن شی هر فرد مرکب مشککک حاز اولدینی خصوصات و فروقات دکل، بلکه یالکز دیکرلرینک اکا تابع بولندقلری افعال و حرکات و سائر در. یعنی قبول عامیه مظهر و یا اودرجه‌ده بر موقع حاز اولان، شیلردر. و بوندن ده استنتاج اولنورکه مناسبات و متابعات مشترکه قابلیت حیاتیه اجتماعی‌ده حاز اولدقلری وظیفه ایله مبسوطاً متناسب بر اهمیت، بر درجه تعضو و تشکل احراز و اکتساب ایدرلر. ایشه بونک ایچوندرکه اشتراکات ابتداییه اساس و مبدأ اولق اوزره قابلیت حیاتیه حاکم و مع مافیه احوال خارجییه کوره متبدل (وضیعت جغرافییه و اقلیمیه، مهالک و یا مساعدات محلیه و سائر که احوال خارجییه ایله متحول) شرائط ابتدایه‌دن بشقه برشی یوقدر. سیار و یا متمکن، بالتحقیق، آوجیلق، چوبانلق و یا حرب مقصدیه متشکل عشایر و قبائلک تشکل تکثیسی بو حالک شاهد عادلدر.

دیکر طرفدن بر جمعیتی تشکیل ایدن افراد نه درجه بسیط، ابتدائی و بربرینه مشابه اولورسه آرلرنده کی مناسبات، توافقات و تصمیمات اوقدر صمیمی و قلبی اولور.

ایشته بوده تعضوات عضویه و اجتماعییه عام و شامل و بوتون وقوعات ایله تأید ایتیش بر قانون عمومیدر: تخالفات تشریحیه و اجهزه عصبیه‌دن محروم عضویات ابتداییه حقیقی بر قابلیت حسیه عطف و اسنادی

نه قدر مشکل ایسه هر نوع تشکلات وعضواتدن محروم جمعیات ابتدائیه به قابلیت اجتماعی عطفی ده او قدر مستحیلدر . مع مافیه شورایی ده محققدر که قابلیت اجتماعی تخالفات و تفاوتات اجتماعیهدن محصل ایتدیکی کی خسایت عضویهده تخالفات تشریحیهدن وهر حسه و جهازه مخصوص عضویات مخصوصهدن - تعیر آخرله تقسیم اعمال عضویدن - نکون ایدر . هر مخلوقک یکی شرائط حیاتیهسنه توافقی ایجاب ایتدین قانون عضوی عین زمانده هم تکامل عضوی بی ، هم تخالفات عرقیه بی ، بالنتجه یکی شرائطک تأثیری تحتده اعضا و افرادینک تحولی و تبدیلی دولایسیله تکامل اجتماعی بی ده ایجاب و انتاج ایدر . بوده هر وقت محقق برکفیتدر که مخلوقانده کی هر تحول مهم حیات اجتماعی لرنده بالضروره بر تحولی انتاج ایدر ، آنک کی بر جمعیتک افرادی بیننده کی هر تفاوت ؛ صنعتگر ، حرفتگر ، اعمال بدنییه ، اخلاق و عادات ، مدنیت تسمیه ایتدی کمز اشکال و وظائف تحتده بر تخالف و تفاوت اجتماعی تولید ایلر . و بوتولید طبقی حیات عضویته کی وظائف عضویه ، اشتراک وظائف عضویه ، اعتیادات و احتیاجات عضویه ، تشکلات و امرجه تشریحیه ، اوصاف و استعدادات عضویه ، افکار و میلانات معنویه مشاهددر . مثلاً اجهزه تغذیه نک طبقات متخالفده کی تفاوتی ، تکاملی ، حرفت و صنعتک اعصار تاریخیهده کی ادوار تکاملنه تقابل ایدر : بشریت ابتدائیهده فعالیت بشریه بالکمز کفاف نفسه منحصر ، و اجرا ایتدیکی حرفت و صنعت منحصرأ بومقصده خادم ایدی . عضویات ابتدائیهدهده حال بویله در ، بونلرده حیات ادامه موجودیتدن عبارتدر . وظیفه تغذیه نک صرف محافظه حیاتدن بشقه بومقصده ، حرکت ، تفکرانه و سایر تجلیات عضویه و حیات اجتماعیدهده تصرف و اقتصاد ، رفاه و سعادت کی آمال اجتماعییه مصروف و خادم اوله بیلسی

انحیق عضویات مکمله حیوانیه و اجتماعیه ایچون ممکندر .

بناءً علیه قابلیت اجتماعیه تخالفات اجتماعیه دن متولددر ، نصلدکه
قابلیت حسیه ده تخالفات تشریحیه دن متولددر .

قابلیت اجتماعیه بی انحیق ایچه ایلریله مش بر دور تکاملیء بشریده طانیه
بیلورزکه مبادیسنده اك ابتدائی حسیات نفسانیه صورتنده ظهور و جریان
تاریخیده وادوار متعاقبه عرقیه ده اخلاقزک ، مدیتزک منبعی اولوق
صورتنده تجلی ایلر .

نهایت بشریتک بزہ ارأه ایتدیکی عدم مشابہت اجتماعیه و اخلاقیه نك صورت .
ایضاحی بوقانون سایه سنده ممکن اولاییلور . بوقسه بوعدم مشابہت کیفیتی
حیاتک معنویاتی ایله و اخلاق ایله ایضاح اولنه ماز . بوقانونک بر اثباتی ده
حسیات بشریه نك اهمیت حیاتیه لری نسبتنده فائیت مقامیه سی تشکیل
ایدر ، بونقطه نظر دن بشریتک تکامل حقیقی و معنوییه ده بزہ حقیقی
بر سلم صعودک درجات متوالیه سی صورتنده منظور اولورکه هر بر قدمه
تکامل اجتماعی و بشریتک بر درجه سی ارأه ایدر . ایشته بویله لکله
قابلیت اجتماعیه نك صور مختلفه سی جمعیات مختلفه ده شرائط مختلفه
حیاتیه اجتماعیه نك تحویلله متناسب بر اهمیت اکتساب ایتشاردر . اخلاق
وعادات ، مدیتار بزہ ازمنه و موقعه کوره متحول اوصاف و خصائص
ابراز ایدرلرکه بو اوصاف توافق اجتماعی ایله مستحصل اکتسابات
ویاتصمیماتک محصله سیدر ، وهیسی ده هر بر نوع عضویت ذی حیات مختص
قابلیت ووظائفه بکزر : هر عضویت حیاتیه نك بر جهاز مخصوصی
اولدینی کی هر جمعیتک ده بر مدیت ، اخلاق ، عادات .. مخصوصه سی
وارددر .

وفی الحقیقه شوراسی ده ظاهر درکه عین خاصه ووصف عمومی مثلا

قابلیت حسیه بوتون زمره حیواناتده بولوندیگی کبی قابلیت اجتماعیده بوتون جمیتله شامل بر وصف عمومیدر ، یالکز بو حس بر زمره دن دیگر زمرهیه کچلکجه بویوک تبدلاته ، تحولاته دوچار اولور . مثلاً حیوانات مختصلری بر چوق حشرات ایله عضویات ابتداییهده اعضای حسیه نك (باصره ، سامعه ، شامه ، لامسه) موجودیتنه تماماً قائل اوله میورلر ، قابلیت اجتماعی نك صور مختلفه سی ایچون ده حال بو مرکزده درک عائله حس محبتی ، حس انجذاب و محبت ، حس وطنی ، حس اجتماعی وسائره کبی بعض حیاتی جمیات بشریه نك ده سفلی اشکالنده وبالخاصه جمیات حیوانیهده مشاهده ایده مین .

لکن بو مختلف تجلیات اجتماعیده ازمهیه و مواقعہ نظر آوایله اختلافلر مشهود اولور که بزه تماماً و طبان طبانہ ضد اولان اشکال عجیبهده قابلیت اجتماعی خاصه سنی آشف و مشاهدهده کوچلک چکرز . مثلاً بر طرفده کوردیکمز اولاد محبتنه مقابل بعض جمیتلرده اولاد قائلکی ، محبت پدرانه ایله اختیارلرک اتلافی وسائرہ کبی احوال متضاده بوقیلدندر . بریسنده عرقک ، تولدک تأثیراتی ، اقلیمک ایجاباتی ، طبیعتک مبذولیتی ، محصول حیاتک و یاسب حیاتک تمیز و تکریمی صورتیله قابلیت اجتماعی بی تجلی ایتدیررکن دیگر طرفده اقلیمک هول شدائی طبیعتک امساک و فیضزلکی ، عرقک طبع خونخوارانه سی ، بوجازز وضعیف محصول طبیعی بی استهلاکه میال عنصرلرک ازاله سی صورتیله تجلی و تظاهر ایدیور . وانسانیتکارانه برحس ، نازک دوشونجه لی دماغ بشری جداً اشغال ایده جک ، اثری ارانه ایلیه جک حده واصل اولنجهیه قدر بومتضاد حسلر پارچا ارلیور . چونکه انسانده ازمه متقدمه نك انفلاق فجرندن بری برعامل مشهودمز اولور که بوعامل تأثیرینی حرور اعصار ایله زائل ایتیمور ، وظیفه مؤثره سنی ایفادن کری قالمیور .

بوعامل « شکل بشری » درکه مبادیده قابا و وحشی اولان بوشکل صره سیله کسب لطافت و نزاکت ایلر .

فی الحقیقه اوهام وخیالات اولیه نك تولید ایتدیکی ، و انسانی اشیا ووقوعاته بر سبب فعال عطف ایتدیرن حیاتك یا کلیش تلقیری قدر هیچ برشی بشریتك ترقی بطیسنی ازاله ایده مدی ، هیچ برشی او قدر معناسز و بهوده مشاغله ، عادات و حشیانه به میدان ویرمدی . خلاصه یاشامق ایچون طبعه اتحاد و اشتراک میال اولان انسانلرک حس اجتماعیلری هیچ برشی بویاکلش تلقیر قدر اضاعه ایتدی ..

دو قنور « پیوژر » درکه : « ایشته بوافکار باطله قیلندندرکه بزم کبی قابلیت حیاتیه دنیان وظائف ایله مشکل و متعضو عضویات حیوانیه نك اجناس سفیله سی نظر مزده صرف عضوی بر حساسیتدن ، علویه سی ده ساده بر سوق طبیعیدن بشقه بر شیده مالک دکل کبی کورینور . بونکله برابر حیوانات اهلیه به ، بالخاصه مایمونلره بزمکنه آزچوق شنبه برادرک بخش ایدرز . ایشته بوقیلدن اوله رق جمعیات حیوانیه و حتی بشریه بی اخلاق تسیمه ایتدی کمز حساسیت اجتماعی خصوصیه دن ایلك اولاتما محروم فرض ایدرزده دهها صکره لری قابلیت اجتماعیه انسیاقانی واک نهایت حقیقی بر حس اجتماعی ویا ادراک اخلاقی آرینی مشاهده ایدرز .

نصلکه وجدان ویا ادراک دینلن شیمك قابلیت اجتماعیه نك مختلف صور فعلیه حرکه و عکس حرکه سندن تولد ایتدیکنی کورویور ایهک ؛ بونک تحریکات و تحریصاتک منبع و طرز جریاننه کوره بالضروره متبدل و مختلف تلقینات مؤثره محصولی اولدیقنه قانع اولیور ایهک ؛ انک کبی ، قابلیت اجتماعیه ده بر جمعیتک اعضاسی میاننده کی تحسینات مشترکه نك تجلیات مختلفه سنك تولید ایتدیکی اعمال و عکس الاعمالک محصله سندن

و بناءً عليه طرز تلقیده و تلقنده مناسبات و تطابقات نسبه لریله متناسب تخالفات و تفاوتاند عبارت اولدیغی حس ایتمی بز . ایشته بوتوافق و تخالفدن عمومی، مشترک و ضروری و عین جنس و زمره دن اولان مخلوقاتك حسنه و طرز تلقیسنه مشابه بر تاثیر تگون ایدر ؛ ایددی انسانلرك اشیا و حادثاته بالذات كندی فعالیتلری تصوراتی عطف ایتدکلرینی مشاهده ایتدکلکمز کوره بوشکل بشری تصوراتی طبیعتك حادثات سائر سندن زیاده همجنس لری حقنده کی تصورات و تحسسانده ظاهر و عیان اولق طبیعی و ضروری ایدی .

بونکله برابر بونکونده مشهوردن اولبورکه ، همجنس لرمزك حتی بالذات كندی حس لرمزك (یعنی تصورات ، افکار ، حرکات کی افعالمزك) صوك درجه مرکب و مشوش تصمیات و تلقیات محصله سندن بشقه برشی اولمالاری بحثنده اکثر فکرلر توقف و تردد ایدیورلر .

اشیا و حادثاتك بو طرز تلقی فنیسنه واصل اولمقه وقوعات اجتماعیك بز نه درجه یه قدر خادم اولدق لری آ کلامق ایچون جدی بر ملاحظه کفایت ایدر . فی الحقیقه هیچ بر کیسه ادراک عمومینك برکل ، روح بشری ایچون بر چوقترینك قبول و تصور ایتدکلری مشابه بروصف مجرد اولدیغی قبول ایتك ایسته مز ؛ بونکله برابر هیچ بر کیسه ده افکار عمومیك ، وجدان اجتماعی و یا اخلاقینك نه موجودیتنی ونه ده تاثیرینی انکار ایده مز ، چوتکه بونی انکار ، قابلیت اخلاقیه و حتی اخلاق و معنویاتی بالذات انکار دیمك اولور . حسیات و طبیعه دن ، بر مجلسك و یا بر هیئتك فکر و مطالعه سندن حکم و قرار عامه دن بحث ایتدیکمز زمان ؛ شان و شرف بزى احتراصاته سوق ایتدیکی ، بر حسن شهرته اغتراراً یا شاد یغمز زمان بو مجرد کلمه لرك حقیقت تکنیه سنی ، بونلری اخذ و قبول واسکان ایده جك .

بر جسم فردینك عدم موجودیتی تفكر بیه ایتمز ؛ بوراده
 بیست بر استعاره استعمال ایتدیگمزی بیان ایله اکتفا ایدرز .
 مثلاً حد ذاتده تدقیق و محاکمه اولنورسه بر ملتده ویا بر ازدحامده افراددن
 بشقه برشی کوره میز . حالبوکه وجود مزك بر وحدتن، بر هیئت مجتمعه دن،
 اقسام مشكله سنك اتحاد و تركبندن عبارت اولدیفنه دقت ایتمیورز . او مادی
 اعضالر ، جهازلر فرداً فرداً اخذ و تدقیق اولنورسه عضویت مجتمعه نك
 اكتساب ایتدیگی ، اظهار ایلدیگی اوصاف و ماهیاتی احراز ایده مز لر .
 وجودك كوردیگمز خصائصنی تجلی ایتدیرنشی حیاتدرکه بو عضولر ك خارجنده
 بر شیدر . بناء علیه ماهیت وجودیه ده معنویاتدن ، مجرد اتدن عبارتدر .
 حقیقتك تبدیلی کورمك ایچون نقطه نظری تبدیل ، بشقه بر زاویه دن ماهیت
 وجودی تدقیق کفایت ایدر .

ایشته حیات اجتماعی نك و قابلیت اجتماعی نك تدقیق و تفحصی بزم
 ایچون قابلیت حیاتیه و حسیه نك ، تغدی و تكثر ك ، وجدان و فكر ك ، وجود
 و روحك مغنیت فنیه سنی یعنی سبب ضروری سنی سهولت تفهم ایچون اك
 اینی بر واسطه مقامنه كچر . كذاك حیاتك و تشكلات عضویه نك مفهوم
 تجر بیسنك تدقیق و تبیی تشكلات اجتماعی نك ، قابلیت اجتماعی نك و اخلاقك
 صورت تكوتتی فهم و ادراك ایچون بزه اك بوبوك سهولت لر تأمین ایدر .
 بویه لكله فنون و علوم ، لاینقطع تشوش و تركب ایدن ، شخصیت اكتساب
 ایله بن اشیا یی تفهم و تفحص ایچون استعمال ایتدیگمز كندی وسائل طمرك
 پیدر بی تعدد و تكثر ی سببیلده بونلرك مدرکه مزده صور مختلفه ایله حس
 و تقدیر ایدلسندن متحصل معهود تخالفات واسطه سیله ، حسلر مز و قوای فکریه مز
 کی حقائق مثبتله یله ، قارشو مزده اخذ موقوع ایدر لر و یكدیگری نه معاونت
 ایتمكله بر برلرینك مفهوم و حقیقتلر نی تمیم و اكمال و تأیید ایلر لر . مثلاً

هیچانك ، بر مخلوق بشریك مشاهده سندن و یا موجودیتندن متحصل حس و فکرک ، مناسبات مشترکه بولق ، بر طاقم مدرکات سابقه و متقدمه بی اویندیر مق احتمالاً ، همجنسار منزله اولان مناسباتمزدده و قتیله بوکا آزچوق مشابه و له رق حس ایتدی کمز احتساسانك عدد و کثرته تابدر . ایشته بر هیچانك اسباب مولده سنی بویه تدقیق ایتمکه تجارب حیات حقنده ، قابلیت اجتماعی حقنده قیمدار و اساسی معلومات ایزلری ایدینه بیلورز . و بوندقیقات او کمزده واسع بر افق تحری ، حقیقت اجتماعی بحثنده پک مفید قانونلر کشاد و تأسیس ایدرکه بونلر استقبال مقدراتمزی تنویر ایتمکن خالی قالمالر .

بناءً علیه بیه بیلورز که قابلیت اجتماعی مزك درجه سی ، تکامل دماغی و اخلاقی مزك درجه سی کبی ، حال ادرا کیزك درجه قابلیت تفهمیه سیله یعنی تجربه دیدیکمز شیلر ایله قیاس و تقدیر اولنور . تجربه ایسه وجدان وادرا کده کی حسیات و تلقیاتك تعدد و تکثرندن متوالدر .

ایمدی بو حسیات و تلقیات تعدد ایتمکه تجدد ایدرلر ، عادتا تلقیات اولیه بی تکرار احیا ، تطابق و اشتراك مناسباتی زماناً و موقعاً تکثیر ایلرلر .

بومطالعاندن بالضروره شوراسی استنتاج اولنور که اک زیاده دائمی متکرر طرز تلقیلر اک زیاده قطعیت اک تسابنه و وجدانده نسبتاً فائق بر موقع و مناسبت احرازینه میال اولور ؛ ایشته بورادن تأثراتمزده ، افکارمزدده ، حسیاتمزده ، میلاناتمزده و انسیاقات اجتماعی مزده طرز و شروط محقری ایله مبسوطاً متناسب بر تصنف ، طبیعی بر اصطفا ، حقیقی بر سلسله هرته وجوده کلور .

دیگر طرفدن تأثراتمز یکدیگریله توازن ، بربرلیله تعاون ایتهدن

وبالتجیه معکس خیالمرکز شدت و اثراتنده بررخه و تعدیل ایراث ابلدن
تعدد و تکثر اید مز لر. چونکه عکس التأثير و عکس العملر دهاچوق قاریشیق
ودهاچوق متکثر هیجان واحتراساتک محصله سی اولمق نسبتنده دها آز ضرر لی،
دها آز سریع التحصل اولدیققی تقدیر و ادراك ایدرز. و بونلرک تعدد
و تکثری نسبتنده عکس الاعمال و عکس الحرکاتمرکز سلامت و اهمیته
اعتماد حاصل ایدرز. و کثرت و تعددی بونلری کلوب یکجی بر
احتراس حالندن چبقاره برق عموممرکز وجدان و ادراککنده بونلره
بر موقع مخصوص بخش ایتدیرر.

بناءً علیه ابتدائی انسان تجربه سنک قلیله مبسوطاً متناسب بر درجه ده
هیجانلی، احتیاطسز، ملاحظه سز، خودبین، انسیاقه میال اولمق اقتضا
ایدر. هر سپنسرک فکرینه کوره اشته فی الحقیقه بو اوصافی شمعی ببله شمالی
آمریقانک قریق، جنوبی آفریقانک بوشیمان و قامسدال اقوامنده شاهده
ایدیورز.

چو جق ایچونده حال عینیدرکه صوکر درجه متنوع هیجانلر، نسبة زیاده
احتیاطسز لقلر، عمومیتله برقصانی، تفکر ابراز ایدر.
هرکس قبول ایدرکه بو قابلیت تمیحه فطریه — که ضعیف الوجود،
جاهل، و یافنا خوبیلر نزدنده جالب دقت بر درجه ده بونلور. — فردک
تکامل عقلی و تجربیسیله مبسوطاً متناسب بر درجه ده تناقصه میالدر.
تربیه، اعتیادات مدنی، مکمل و تربیه لی برعالمه اختلاط، بونلر متمدن
بر انسانک قابلیت اجتماعی سنی تکامل ایتدیرمک ایچون هپ بر جهته
طوغری اجرای تاثیر ایدن عواملدر. تعبیرات تراکتپروانه، قبوله
و اعتیاد عامه، عادات و عنفاتک اکثریسی، بونلرده هپ قابلیت
اجتماعیه نك انواع تجلیاتندن و یا صور ظاهره سندن عبارتدرکه احتیاسات

حقیقه‌نك افاده و بیانندن عبارت اولمدقلری زمان هیچ اولمازسه معیوب
 عد اولان خود پرستلکی ستر و اخفایه خادم بولنورلر . شوراسی ده شایان
 دقتدرکه هب بو تربیه لی آدم «ك اطوار و احوالی ، اکثر احوالده صرف
 بر اعتیاد مکتسب سائمه سیله ، بونلرك فاعلی ، اختیار و اراده سنی صرف
 و معاونته اجبار احتیاجنی حس ایتمه دن ، جریان ایده بیلور ، و جریان ایدیور .
 بو صورتله تربیه لی بر آدم ایچون همجنس لرینه قارش ی خوش و دوشونور بولنق
 احتیاجی ، بر والده ایچون مولودنی ارضاع و سومك کبی «طبیعی» اولبور .
 بوراده کی یکانه فرق بویکی نوع اعتیاد منافع و یا احتیاسات آرهنده کی تشکل
 و تعضوك درجه سی یئنه ده کی فرق دن عبارتدر . فی الحقیقه ایستر اك اساسلی
 قابلیت اجتماعیه ایجاباتندن ، ایسترایسه الكدرین حسیات دیگر پرستیزدن
 — خود پرستینك معکوس حس — ، الك سطحی ، الك اتفاق — عمومك اعتیاداتی
 ایله مظهر قبول عامه اولمش ، متفق علیه اولمش — اعتیادات و یا طرز
 حرکات اجتماعیه مزدن بحث اولنسوز ، بونلرك کسب قطعیت ایتمکه ، عین
 شرائط داخلنده بولندقلری زمان تجدد و تکرر لر یله متناسب بر تشکله
 و تعضوه مظهر یترینه طوغری میلانلری هر وقت مشاهده ایدرز .
 بناء علیه قابلیت اجتماعیه نك قانون حقیقیسی مخلوقات اجتماعیه نك تلقینات
 و حسیات متقابله سندن محصل ، مناسبات اجتماعیه نك تعددی و انبساطیله
 متناسباً تر اید ایتسی ، و کسب تشکل و تعضوه یعنی وظیفوی ، متحرک بالذات
 شرائط متشابهه نخنده کی تجلیات و تظاهرات نسبتنده تجدد و تکرر میال
 بولنمیسدر .

قابلیت اجتماعیه نك ، الك سفلی حیواناتك سوق طبعیلرندن بدأ ایله
 طبیعت بشریه نك الك علوی حسیاتنه و ارنجه یه قدر اولان و مختلف ناملر
 ایله تسمیه ایتدی کمز تجلیات ممکنه و محتمله سنك ازمان و مواقعه کوره طرز

تکون و تکمل و تحولی آکلامق ایچون بونلری تولید ایدن اسباب و حادثاتک تعدد و تنوعنی نظر تدقیق و امعانه آلمق کفایب ایدر . محبت عائله ، پدرانه و ولدیه ، محبت جنسیه ، محبت جواریه ، میل صبی ، لطف ، تصدق ، مرحمت ، محبت بشریه ، حسن اخلاق کبی بیکلرجه صورت مختلفه و متعدده ده تجلی ایدن بوقابلیت اجتماعیہ تظاہراتی اوقدر متنوعدرکه بونلر انجق دایه اجتماعیہ نک سینہ تربیت و اهتمامنده ، و تکامل اجتماعیہ نک اومشوش و بی حد و انتها خطوط و طرق سیراننده تکامل و ترقی ایدرلر . و عضویتی ، و شیدیلک عضویتک ذروه منتہاسنده بونلر بشریتی بر غایه کماله طوغری سوق ایدن محرکله تبعاً هب تعالی ایلرلر .

ع

عضویت اجتماعیہ و قابلیت اجتماعیہ نک وظیفہ سی

قابلیت اجتماعیہ دن مقصد عین بر جمعیتک اعضای میاننده کی افعال و عکس الافعالک طرز جریان عمومی اولدیغنی آکلادیغمز کبی ، بومناسبات متقابله ده ، بالطبع ، اجناسه ، ازمانه ، امکئیه کوره متحول و بونکله برابر هر وقت بر درجه مشابہت ، بر مرتبه محصله عمومی ، بر درجه یہ قدر عین نتایج عمومیہ ابراز و ارايه ایدن پک بویوک انواع و اجناسی تفریق اتمکله کمز ایجاب ایدیور . فصلک عوامل خارجیہ نک افعال متشابهہ سی عین اجناس حیواناتده ، قابلیت حساسیه حسیہ نک طرز تعضویه ، و بونک نتیجہ سی اولان توافقات مختلفه حیاتیہ کوره عین نتایج تولد ایدیور ایسه ، اوله جه ، هر جنس اجتماعی به خاص اولان تشابه مناسبات ده بوجنس اجتماعیده ، السباق و یا تشکلات اجتماعیہ دیدیکمز شکل

تحتنده ، عین نتائج متشابهه حاصل ایدم جک عین میلانی ارأه ایدر لر .
 کورمشدک که قابلیت اجتماعی الاستیقیت عضویه نك منبع حقیقیسیدر که
 بونکله مخلوقات متعضوه شرائط حیاتیه لرینه ، احوال و ایجابات جدیده لرینه
 توافق ایتکه طوغری جالب نظر دقت بر میل ارأه ایدر لر ، و مخلوقات
 بوصورتله محیط لرینه توافق ایتکه تحصل و وراثت ایله انتقال ایدم جک
 تعدیلات و اصلاحات شخصیته نك مبدائی ، سبب اساسینی تشکیل ایلر لر
 یوندزده تنوعات جنسیه و عرقیه تحصیل ایدر .

بر چوق سوسیولوغر بر جمعیت داخلنده کی افرادک بر ایکسند
 تحصیل ایدم جک مهم بر تحوالت او افرادک تشکیل ایتدکری جمعیتک
 مناسبات مقدمه و سابقه سنده بر تغیر و تحول ایقاع ایتکسزین ، تحصیلی
 غیر ممکن عد ایدر لر . بناءً علیه قابلیت اجتماعی ، تغیرات اجتماعی به
 خاص الاستیقیتک منبع حقیقیسیدر . و بونک سایه سنده جمعیتلری احوالت
 ایجاب ایتدیکی تعدیلات و اصلاحات کرفقار اوله رق شرائط
 حیاتیه لرینه توافق ایدر کویورز . چونکه قابلیت اجتماعی نقطه نظرندن
 افرادک مناسباتجه هر هانکی بر تحول و تبدل ایجاب و تولید ایتدن محیط
 اجتماعیده بر تحول وقوعی غیر ممکندر . بو صورتله محکوکات اجتماعیته نك
 تلقیات و قابلیات مشترکه لرینک بزله ، عینی زمانده مناسبات اجتماعیته نك
 طرز و درجه سنده کوره هر جمعیته مختص اولمقله برابر ، ازمنه و امکانیه و هر
 جنس اجتماعی به کوره متحول و مبتدل فروقات ارأه ایتمی سینی ادراک
 ایدم بیلیرز . دیگر طرفدن هر برسپنسرک تکامل و توازن قانون عمومیی
 بتون بوقابلیتلیری یکی توافقاته و یا یکی توازنلره طوغری بر میل دائمی به
 سوق ایدر که بو میلانک نتیجه سی ده کیتدکجه کسب جسامت و اهمیت ایدن
 بر اشتراک و تعاونه منجر اولور .

خلاصه قابلیت اجتماعی اول امرده بر نوع الاستیقیمت اجتماعی دن
 بشقه برشی دکلدر: بو، مخلوقات اجتماعی نك الحجابات و شرائط حیاتییه
 توافقی انتاج ایدر. بونلری طبایع و اخلاقلرینه، احتیاجات و قابلیتلرینه
 کوره طبیعی بر کتله حالنده تقریب و جمع ایلر. تشکلات ویا تعضوات
 اجتماعی، عین بر جمعیتك افرادی آرهمنده کی تفاوت؛ بو افعال و قابلیتك
 شرائط متنوعه سنك اشخاص اوزرنده و اشخاصك یکدیگری اوزرنده
 اجرای تأثیر اتمه سندن نشئت ایدیور؛ انحق تفاوتات و تخالفات اجتماعی نك
 بین الافراد حاد بر شکل و صورت اکتساب ایتدیکی زمانده درکه تشکلات
 اجتماعی نك صنعت و حرفت، ویا صنایع اعمالیه و سایر هالنده تبارز و تظاهری
 کوره بیلورز. و بو اشکال صناعیه و حرفتیه اولجوده دیدیکمز کی مخلوقات
 ذی حیاتك اعضا و جوارحه، جهاز عضویلرینه تماماً تقابل ایدر، انلره
 مماثلدر.

بوتون بو عضویات هر حیوانده تکامل ایدرک خبری اولمادن نصل اجرای
 فعل و وظیفه ایدرله بو قابلیت اجتماعی ده تدریجاً و جریان اعصار ظرفنده
 تحصیل و هر جمعیتده هیچ بر عنصر ادراکی ویا اختیاری صرفه حاجت قالمدن
 اجرای وظیفه ایدر.

قابلیت حاسه، انحق عضو حیوانینك ایجه مترقی صفحه سی ایچون
 نصل قبول ایدیلورسه، و وقوعات نتیجه حسیه نك انقسام و ترسب
 داخل سندن بشقه بر صورتله نصل ایضاح ایدیله مزسه نك کی، ایلک اول
 انسیاق، دها صکره معنوی و اخلاقی قابلیت اجتماعی انحق تشکلات
 اجتماعی نك ایجه مترقی بر صفحه سنده تظاهر ایده بیلور. انحق بودوره ده درکه
 اکا بر نوع حس اجتماعی اضافه ایتدی کمز، و بالخاصه قابلیت اجتماعی نك
 ایجه یوکسک بر قدمه سنده تظاهری طبیعی اولان و انسیاقات تسخیه ایلدی کمز

تجلیاتك صدور وظهورینی قبول و تصدیق ایده بیلورز.

رقابت حیاتی، حیات ایچون مجادله [۱]، مجادله ایچون اشتراك [۲]
و یا مجادله ایچون اتفاق [۳] حیات اجتماعیك نه اساسی، نه قانونری دكلدر.
عضویتى اساس اتخاذ ایدنلره كوزه جمعیتلره مختص، ازمنه و امكینه تابع،
تصور مركز اكثریا بر نقطه نظری افاده ایدن بر طاقم شرائطك محصله سیدر.
دیكر طرفدن جمعیاتك تشككنه مجر و خادم اولان ایلك محركر
اوزرینه مؤسس بویه بر نظریه قبول ایتككه - كوزلجه کیفیتی تحلیل
ایدرسك - بوراده قابلیت اجتماعیك تجلیات خصوصیه سندن بشقه
بر شی مشاهده ایدمیز. دیكر طرفدن قابلیت اجتماعی بی بوجادله و یا مجادله
ایچون اتفاق اساسی اوزرینه ارجاع ایدمیز؛ بوحال اصلاً قابل ترك
واهمال اولیان سائر عواملك موجودیتی انكار ورد ایتك اولور:
هركس قویاً تصدیق ایدركه بر چوق جمعیتلك حكمت تشكلى ایجابات
جغرافییه، شرائط اقلیمی، سدرمق و احتیاج تغذیه استناد ایدر:
ایجابات موقعیه طبعیت طرفندن مظهر مساعدۀ تامه اولان بعض جمعیات
واردركه بونلردن مثلاً آمریقای جنوبیده اغدیه و ما كولاتك مبذولیتی
و هپسنگ، هر جنسك محلده موجودیتی بك چوق اوافق جمعیتلك
تشككنه و تكاملنه خادم اولمش، و بوجمعیات متشككه ده فكر جدال اوزون مدت
مجهول قالمشدی؛ حالوكه؛ طبیعتك مسك و لندهی، شوره زار و غیر منبت
قطعه لرده تشكك ایدن جمعیتلر هر دائم قبیله و عشیرت حالده قالمشدر و دائماً اوجیلق
و یا بالقجیلق ایله اشتغال و یا كدیكر بله محاربۀ ایله و قتلرینی امرار ایتمشلردر.
كذلك ینه بوكونكى كونده كوریورزكه شهر سسكنه سنك كشافی كیندجه

[۱] داروین قانونی

[۲] لانه سان قانونی

[۳] پول قومیس قانونی

ترايد ايدەرك بوبادە برقانون اجتماعى يابلق ايستينلان مدهش بررقابته ميدان ويرييور. حالبوكه بورادەكى رقابت احتياجات ايله مدار معيشتلر آره سنده برنقصانى توافقدن ، دها طوغروسي احتياجات ايله مدار انتعاشاتك طرز انقسانمدهكى نسبتسزلكدن متولد بر طاقم شرائط خصوصيه نك مجموع محصله سيدر .

اساس عضوىي قبول ايدنلره كوره احتياج جدال اشيا وظروف زمانيه دن متولددر ، افراددن دكل . بزى بورادە آلدان شى ، شكل بشرى حقه دكى طرز تلقينى ، حادثاه - كنديارنى توليد ايدن شرائط عادى برمحصله سى نظريه باقه جق يرده اسكيدن قالمه براعتقاد تيجه سى اوله زرق - آزچوق روحى معنوى بر فكر القا ايدن فعال برسب اضافه ايتمك كمزدر . صنوفى تشخص وتمثل ايتديرمك ، بونلرك جدال جنايتكاريلرى اوزرينه نظريه لر بنياد ايتمك فن دكل ، عجيب ير رومان يازمقدر . دوقتور " پيوژه " . كوره بو حال ، موليره ك طبييلرينك مشهور مجادله اخلاطنى آكديرر .

واقعا عضويت طرفدارانى ده منافع و احتراصاتك حقيقت تخالف ومبايئتى انكار ايتملر . قانون عمومى توازن هر توازنده ايكي مخالف ومتضاد ميل يعنى برنوع جدال اولديغى ايما ايتيورمى ؟ يالكز شوفرقت واركه اشيا وحادثات ، بونلره كوره ، اتفاقدن ، يعنى ذوباندىن ، اتحاددن ، الحاصل تعاوندىن تولد ايدر . مادامكه هيچ برشى كندىنى تركيب ايدن عناصرك شخصيتى موجود اولدق ، وبوشخصيت ، بالضروره اقسامك كندى " كل " لرى ايچنده اتحاد و اشتراك ايتدكجه ، وجود بولاماز ؛ بويله لكله اشيا وحداثات انحق اتحاد ايله ، ذوبان ايله ، بربرلينه كرفت اولمقله وجود بوله بيلور .

ایشته بودا بناء عضویت اجتماعی طرفدارانی نظرند هر جمعیت
 قانونی ، یعنی شرائط حیاتیة سی ، اعضاسنک ویا افرادینک تعاونی ، یعنی
 قابلیت اجتماعی سی اوزرینه استناد ایدر وایشته بوندن استنتاج ایدیورلرکه
 تعضوات ویا تشکلات اجتماعی قانونی قابلیت اجتماعی قانونیدر ، اصلکه
 تکامل اجتماعی قانونی ده قابلیت مجموعه در .

۳۰ مایس ۱۳۲۵

بدیع نوری